

SACROSANCTUM OECUMENICUM  
**CONCILIUM**  
**TRIDENTINUM**


ADDITIS DECLARATIONIBUS CARDINALIUM  
CONCILII Interpretum, ex ultima recognitione

**JOANNIS GALLEMART,**  
ET CITATIONIBUS JOANNIS SOTEALLI  
Theologi, & HORATII LUCII Jurisconsulti; necnon Remissionibus  
D. AUGUSTINI BARBOSÆ: Quibus recens accesserunt utilissimæ  
Additiones BALTHASSARIS ANDREÆ J.C. Cæsar-Augustani, cum  
Decisionibus variis ROTÆ ROMANÆ eodem spectantibus.

*NUNC DEMUM HAC POSTREMA EDITIONE*  
*Utilissimis Annotationibus Practicis Reformationem & Forensia*  
*concernentibus D. CARD. DE LUCA illustratum.*

**EDITIO REFORMATA, ET SUPRA OMNES**  
Superiores Gallicas & Belgicas locupletata, item permultis PONTIFICUM  
CLEMENTIS VIII. PAULI V. & URBANI VIII. insertis ad varia  
CONCILII Capita Constitutionibus.

*CUM INDICE LIBRORUM PROHIBITORUM EX PRÆSCRIPTO*  
*CONCILII, necnon Propositionibus a variis PONTIFICIBUS hucusque damnatis.*



**TRIDENTI, MDCCXXXVII**

Sumptibus Societatis.

*CUM SUPERIORUM PERMISSU.*

P R Æ F A T I O  
S I V E A D M O N I T I O  
A D L E C T O R E M B E N E V O L U M

*De anterioribus hujus Operis editionibus, deque hac  
nostra nunc recenter auctius prodeunte.*



Uoniam Pius IV. interdixerat, ne cui, prout liberet, sacra Oecumenici Tridentini Concilii decreta liceret exponere, privataque auctoritate interpretari, sed si cui dubium aliquod apparet, Sedem Apostolicam accederet, quæ per Illustrissimos Cardinales in eam rem Delegatos id resolveret atque enodaret; Declarationes ejusmodi Cardinalium, difficultatum Concilii Interpretum, rogari, observari, atque in veneratione haberi cœperunt. Manuscriptæ, ut rara chimælia paucorum manibus ferebantur, donec in Germania, Gallis, Hispaniis, ac demum in Belgica typis vulgatæ, atque ex eruditorum virorum censura, Regum etiam Principumque privilegiis donatæ, publici juris factæ, in oculos manusque passim omnium devenerunt. Putaverunt Typographi bene se atque ex publica re facturos, si lucernam accensam ponerent non sub modio, sed super candelabro, ut luceat omnibus, qui in domo sunt: omnibus, inquam, qui in Ecclesia Christi versantur, quibus Concilii latæ leges sunt, si qua parte obscurius aliquid dictum fuerit, illustratæ appareant, quæque ad unius sorte postulationem elucidata sunt, omnibus, quos eadem spinæ difficultatum tribulique dubitationum pungent, plana fierent. Sic Philosophi asserunt, bonum omne natura sui esse diffusivum. Porro nullibi hætenus emendatius, quam Duaci Declarationes impressæ sunt, ob operam & industriam Joannis Gallemart, S. T. Doctoris, & in Academia Duacena Professoris, qui priores editiones recensuit, limavit, summaque fide exemplarium varietatem recognovit. Cæterum, nescio qua occasione, fugit illius diligentiam pars melior declarationum illa, quæ cum die & consule, ad finem aliorum exemplarium impressorum, manuscriptorumque, a 21. Martii, 1591. posita erat. Itaque eam partem hujus Operi ad finem intexui, sic tamen, ut in ordinem Concilii redacta sit, singulaque declarationes ad sua capita revocata. Quibus aliæ (nimirum in quibus tempus & dies in margine additi non sunt) accesserunt nonnullæ, ex fidelibus exemplaribus manuscriptis, uno præsertim a viro quodam probe erudito in ipsa Urbe descripto, suppeditatæ. Textum ipsam Concilii adjunxi, quo facilius Lector eum, declarationesque ad eum relativas simul capere possit. Accesserunt denique Remissiones P. Augustini Barbosa, nullum etiam interpretationis privatæ genus continentem, sed nudas tantum Doctorum citationes, qui incidenter varia Concilii loca tractaverunt; de quibus audi ipsam Barbosa, ejusve prologum apologeticum: (De consilio, inquit, doctissimorum virorum, qui divini & humani Juris peritissimi extiterent, Bullæ Pii IV. prohibitionem solum procedere in illis dis-



SACROSANCTI  
OECUMENICI & GENERALIS  
CONCILII TRIDENTINI  
SESSIO PRIMA

SUB PAULO III. PONTIFICE MAXIMO  
Celebrata die decimatertia Mensis Decembris,  
Anno Domini millesimo quingentesimo  
quadragesimo quinto.

*Decretum a β γ δ ε ζ\* de inchoando  
CONCILIO.*



**P**LACETNE vobis, ad laudem & gloriam sanctæ, & individue Trinitatis, Patris, & Filii, & Spiritus sancti, ad incrementum & exaltationem Fidei & religionis Christianæ, ad extirpationem hæresum, ad pacem & unionem Ecclesiæ, ad reformationem Cleri & populi Christiani, ad depressionem & extinctionem hostium Christiani nominis, decernere & declarare, sacrum Tridentinum & generale Concilium incipere, & inceptum esse? *Responderunt, PLACET.*

*Indictio futura Sessionis.*

Et cum proxima sit celebritas Nativitatis Domini nostri JESU CHRISTI.  
*Conc. Trid. cum Gall.*

STI, & subsequantur aliæ festivitates labentis & incipientis anni; placetne vobis primam futuram Sessionem habendam esse die Jovis post Epiphaniam, quæ erit septima Mensis Januarii, Anno Dom. M. D. XLV.? *Responderunt, PLACET.*

REMISSIONES.

*a An Concilium generale absque auctoritate summi Pontificis celebrari possit? Negat Bobadil. in sua politic. lib. 2. cap. 18. n. 194. ubi etiam resolvit, quod licet Principes sæculares non possint illud convocare, possunt tamen per suos iudices ad illius agere observantiam.*

*β An summus Pontifex possit dispensare super Concilium? Affirmant, si de eo faciant expressam mentionem, & non sufficere clausulam derogatoriam generalem, Coit. in memor. verbo, clausula non obstante. Rebuff. in Auth. habita, verbo, examinatione p. 380. cum seq. C. ne filius pro patre, & in praxi benefic. tit. de dispensat. super defectum natal. n. 24. Guet. pract. l. 3. q. 17. num. 231.*  
A Aloyf.

# I N D E X

## LIBRORUM PROHIBITORUM

EX CONCILIO TRIDENTINO præscriptus,

AUCTORITATE PII IV. PRIMUM EDITUS,  
postea vero a SIXTO V. auctus, demum CLEMENTIS VIII.  
iussu recognitus.

*Additis regulis, ac exequenda prohibitionis ratione.*

## CLEMENS PAPA VIII.

Ad perpetuam rei memoriam.

**S**acrosanctum Catholicæ fidei depositum, sine quo Deo placere, aut æternam salutem consequi nemini licet, ut saluum in Ecclesia Dei perpetuo conservaretur, posterisque inviolatum traderetur, pastoralis Romanorum Pontificum vigilantia, summo semper studio & contentione laboravit. Ipsi enim a Christo Domino, hujus tam pretiosi depositi auctore, & illud fideliter custodiendi, & bonum semen patrisfamilias, ab inimici hominis zizaniis discernendi, & Ecclesiam salutari doctrina edificandi, præcipuam curam, summamque potestatem, in Beatissimo Petro Apostolorum Principe acceperunt. Quocirca sanctæ memoriæ Gelasius Primus, & Gregorius IX. alique complures Romani Pontifices, prædecessores nostri, zelo zelati pro domo Domini exercituum, ut hanc fidei Catholicæ, doctrinæque integritatem, salvam incorruptamque in Ecclesia Dei retinerent, Apostolici

animi magnitudine, pro muro domus Israel, adversus ejusdem fidei hostes seiplos opposcentes, ne illorum dolis & insidiis imprudentes & simplices homines caperentur, lucem a tenebris, prava a rectis sejunxerunt, quæ sequenda, quæ cavenda essent, Christi fidelibus declararunt, probatos, laudabiles, orthodoxos libros ab adulterinis, perniciosis & apochryphis singulari diligentia distinxerunt, postremo hæreticorum impia dogmata, & noxia, ac venenata scripta, Conciliorum decretis, Pontificiis constitutionibus, aut alio opportuno censuræ genere condemnarunt. Sed cum nostris hisce calamitosus, & novissimis temporibus, antiquus humani generis hostis, a sua malitia nunquam recedens, ad eandem Catholicam doctrinam, & veritatem labefactandam pestiferas hæreses, & detestabiles errores, aut novos conflasset, aut veteres ex inferis excitasset; sacra Tridentina Synodus pesti-

**A P P E N D I X**

*S I V E*

**ANNOTATIONES PRACTICÆ**

*A D*

**SACRUM CONCILIUM TRIDENTINUM**

*Eminentissimi & Reverendissimi D. D.*

**JOANNIS BAPTISTÆ**

**CARDINALIS DE LUCA,**

**IN REBUS CONCERNENTIBUS  
REFORMATIONEM, ET FORENSIA.**